



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.  
Theologia Universa**

**Archdekin, Richard**

**Dilingae, 1687**

Caput II. De Fidei Regulis, certitudine, supernaturalitate, & libertate.

**urn:nbn:de:hbz:466:1-38477**

esse rerum non apparentium, ad Hebr. 11. Nec refert quod *Ioannis* 12. S. Thomas dicatur credidisse, quia Christum vidit. Quia vidit; ibi tantum denotat motivum illud credibilitatis quo inductus fuit ad credendam Christi divinitatem, non ipsum motivum formale & intrinsecum assensus Fidei quo illam credidit.

*Apostoli* habuerunt evidentiā verborum Christi, & Propheta evidentiā signorum quibus illis locutus est Deus, non tamen evidentiā in Attestante proprię dictam. Quia non habuerunt in illis evidentiā locutionis Dei prout est summe verax.

*Ariaculi Fidei*, sumpti pro mysteriis quae debent ab omnibus credi, non creverunt successū temporis post Apostolorum, nisi quoad explicationem eorum quae in eis implicitè continentur. Creverunt tamen si sumantur latē pro quavis propositione nobis revelata. Quia iam multa sunt nobis revelata, ut Concil. Tridentinum esse legitimū, S. Franciscum esse in cœlo, quæ tempore Apostolorum sic revelata non fuerunt.

## CAPUT II.

*De Fidei Regulis, certitudine, supernaturali-  
tate, & libertate.*

**R**egulae Fidei sunt quinque, Ecclesia, Concilium, Pontifex (quae dicuntur Regulae Fidei Animatae) Scriptura & Traditione, que dicuntur Inanimatae.

De his singulis, & omnibus circa eas Controversias in hoc Opere agitur fūse Tomo I. Part. I. Cap. 3. & deinceps usque ad Partem Secundam. Hic Principia quedam, maxime speculatoria, & alia quedam particularia cum suis fundamentis breviter subjiciuntur.

*Ecclesia* est cœtus fidelium sub uno capite Christo, ejusque in terris Vicario. Non soli justi & predestinati sunt de Ecclesia. Comparatur enim à Christo Ater, in qua cum trito sunt etiam palæ, *Matth. 3.* Iusti qui postea finaliter erunt reprobati, sunt de Ecclesia, & verè filii Dei, veritate formæ nunc confitientis filium Dei, quæ est gratia & charitas, non veritate finis ultimo intenti, quæ est vita æterna.

Non sunt de Ecclesia *Heretici*, etiam occulti; Nam de his intelligit Augustinus illud *Joan. 1. erant inter nos, sed non erant ex nobis.* Idem dicendum de Schismatis. Quis sunt separati à capite Ecclesie, ergo non sunt hujus membra. *Excommunicati* etiam non sunt de Ecclesia: juxta illud *Matth. 8.* Si Ecclesiam non audieris sit tibi tamquam ethnicus & publicanus: quod intellige de excommunicatione majori. *Catechumeni* sunt de Ecclesia potentia proxima, non actu, per fidem charitate formatam, & votum baptismi, quamvis non strictè per ipsum Baptismum actu suscepimus.

Vera Ecclesia debet esse visibilis, sive ex suis notis certò cognoscibilis: quia jubemur eam intrare, ut fusius loco supra citato.

Nota vera Ecclesia sunt, 1. Quod sit Una, unitate Fidei, capitio &c. 2. Sancta, sanctitate Doctrinae, & finis, &c. precipiorum ejus membrorum. 3. Catholica sive universalis quoad locum & tempus. 4. Apostolica origine, propagatione, & constantia in Doctrina ab Apostolis accepta. De quibus actum *Tomo I. cap. 3. & seq.* ubi ex his notis, aliisque ostentum, solam Romanam esse veram Christi Ecclesiam. Ubi & postea de Primatu Ecclesie in Pontificibus Petri successoribus: Et illius infallibilitate in definiendo, &c.

S. Paulus non constituit simul cum S. Petro unum Caput Ecclesia. Est Fidei: & confirmatur recentius ex Decreto *Innocentii X.* damnantis ut hereticum *Arnoldi* dogma contrarium. Neque Paulus uspiam dicit se parem fuisse Petro, sed se ab illo nihil accepisse, scilicet, potestatis ad exercenda Episcopalia per orbem universum, sed immediatè ab ipso Christo. Dum S. Epiphanius, autalii videntur adversari, tantum volunt Paulum Petro collaborasse in fundando exordio Ecclesie Romanae: & eodem sensu S. Ireneus Petrum & Paulum Collegas appellat.

*Primatus* Pontifici Romano competit iure divino: sic ut Ecclesia non possit illum alteri Episcopatu annexare. Prima pars est de Fide: & secunda Pars, quæ est maximè probabilis & communis, probatur ex Anacleto, Marcello, aliisque Pontificibus, & ex Concilio *Lateranensi* docentibus, Sedem Petri *jubente Domino Romani* esse traslatam: Ecclesiam Romanam à Christo primatum obtinuisse: *Domino diffonente* esse cunctorum fidelium matrem & magistrum. Hinc porrò sequitur, Pontificem suam potestate non accipere ab *Electoribus* tamquam eam conferentibus, sed ut ponentibus conditionem electionis sine qua non possit ea potestas illi competere.

Pontifex est *infallibilis* in definiendo, etiam extra Concilium. Que sententia haberur adeo communis & certa, ut *Bellarmino*, *Bannez*, & quidam alii censemant esse Fidei proximam: De qua, & nupera in Gallia controverbia diffusæ supra in Tomo I. inter Controv. recentiores Quest. 2.

Ad Argumenta Ulteriora quæ in contrarium adducuntur.

Resp. Summatim; Patres *Conc. Africani* dum præferunt Concilium Provinciale Pontifici, tantum agere de questionibus facti particularis.

S. Cyprianus restitit quidem Stephano Papæ in questione de rebaptizandis, sed hoc factum cum nondum illa quæstio esset definita.

S. Petrus cogendo Gentiles judaizare erravit tantum errore conversionis & facti, non errore Doctrinæ: sicut Aaron permittendo adorationem vituli aurei.

Zepherinus Pont. non approbat Doctrinam Montani, sed falso & privatum putavit non esse hereticam, quam opinionem melius informatus postea revocavit.

*Liberius* Pont. Arianismum non approbavit definitivè, sed ex metu contra Athanasiū subscriptis.

*Vigilius* Pont. erravit quidem ante suam electionem, non cum esset actu Pontifex. *Gelasius* Pontifex, tantum voluit Eucharistiam sub unica specie, Sacerdoti celebranti sacrificium esse. *Innocentius III.* ait Baptismum in adulto formaliter heretico Spiritum Sanctum non conferre, quod verum est de Spiritu gratiae ritè intellectum. *Gregorius XIII.* cum dicit posse virum ob infirmitatem aliam ducere, loquitur de infirmitate impotentiae perpetuae quâ mulier laborat.

Alii Pontifices quos errasse objiciunt, errarunt tantum in questionibus facti particularis, vel ut Doctores privati, non ut Definientes aliquod dogma Fidei aut innotum pro Ecclesia universa.

Hinc recte Facultas Theologica *Lovanensis* anno 1544, cum aliis, inter articulos ad occursum *Hæretici* hunc constituit: *Unus est Ecclesia summus Pastor, ad cuius iudicium controversia de FIDE & Religione sunt referenda.*

Exde  
kin

Theo  
logia  
P. IV

## Secunda II. Cap. II. De Fidei Regulis, &amp;c.

referende. Item, Recta Fide tenenda sunt quae super Fidei & Morum negotiis definita sunt per Cathedram Petri, vel per Concilia.

Requisita ad definitivam Pontificis locutionem sunt, 1. Ut objectum definitionis non sit factum particularē nullam habens cum revelatis connexionem. 2. Ut Pontificis assertio sit responsio directa ad questionem quæstionis, non aliquid per accidens in explicatione, probatione, aut alter objectum. 3. Ut sit expressa verbis definitionem indicantibus. 4. Ut definitio sit Ecclesie promulgata more requisito.

*Questio peculiaris est.* An Pontifex possit errare in Fide sicut in Persona privata. Negat sic posse pertinaciter errare Bellarminus, Suarez, & alii. Affirmat Bannez, Sotus, aliquis, utrumque probabiliter. Fundamentum Prioris sententia præcipuum est, quod infallibilitas in definiendo connaturaliter requirat infallibilitatem in credendo. Quæ in contrarium objiciuntur, non agè intelliguntur de errore externo absque formalē heresi interna, vel de errore etiam interno in factis particularibus, non in aliquo puncto in Fide determinato.

Fide credendum est Pontificem Romanum legitimè electum & ab Ecclesia pro tali receptum, esse verum Christi Vicarium. Est contra paucos qui admittunt certum, sed non Fidei.

Et probatur 1. Ex eo quod Ecclesia, quæ est columna veritatis, non possit universaliter decipi illum pro tali recipiendo. 2. Ex decreto Martini III. id declarantis. 3. Quia in hac universali revelata, *Omnis legitimè electus est verus Petri successor*, continetur hac particularis, *Innocentius XI. legitimè electus, est verus Petri successor*. 4. Quia credere tenemur hanc Ecclesiam visibilem, cui præest hic Pontifex, esse veram Ecclesiam; ergo & hunc esse legitimum Pontificem, per notas debitæ electionis moraliter evidentes, quæ ad fundandum Fidei assensum sufficiant.

*Pontificatu priuari* potest Pontifex, 1. Per voluntariam abdicationem. 2. Per hæresim externam notoriā. 3. Per amentiam perpetuā durante.

*Definitiones & Decreta* Pontificis censemur tota Ecclesia acceptare, quando ea acceptat maxima & senior illius Pars, quamvis resistant aliquot Episcopi, ut restiterunt damnationi Arii quatuor Episcopi recusantes ei subscribere.

*Certitudo actus*, est infallibilis veritas istius assensus, firmaque ejus adhesion ad objectum, quæ virtuiter & exercitè judicatur quod objectum non possit aliter se habere. Hæc firmitas assensus in rebus per se notis necessariò resultat ex objecti evidentiā, adeoque non est libera, & consequenter excludit omnem formidinem de opposito. In obscuris, oritur ex prudenti imperio voluntatis scipiam & intellectum determinantis ad assensum, sic ut proinde sit libera, & solum excludat formidinem actualem. Quando ista firmitas imperatur ex levi fundamento, non est certitudo, sed pertinacia, ut in hæreticis.

*Altus Fidei est absolute certus.* Est de Fide, aut Fidei proximum, contra Abaillardum. Quoad infallibilitatem, est certior quovis assensu naturali quantumvis evidentiā; Quia essentialiter nititur testimonio Dei re ipsa existente summè infallibili. Unde hac certitudine æquat visionem beatam: & superat assensum naturalem nitentem divinā revelatione ipsa existente: Hic enim, quantum est de se, potest elicere ejus

objecto non existente, adeoque esse falsus. Quod certitudinem adhesionis, certior est quovis assentu naturali elicto ab eodem homine, non affirmato tamquam Fidei: Quia est proportionata infallibilitati objecti formalis, quæ cum sit summa, exigit adhesionem appreciativè majorem omni adhesione fundata in evidentiā naturali: Est tamen adhesione in certior visione beatifica per se infusa, & aliis supernaturalibus etiam formidanda potentiam excludentibus. Est nihilominus absolutè & spectata etiam ejus infallibilitate certior omni actu naturali, etiam (ut recte August.) quo quis experitur se vivere: illi enim Scriptura 2. ad Cor. 10. in captivitate redigentes intellectum in obsequium Christi, & PP. Chrysostom. & August. majorem tribuant certitudinem, quamlibet & experientia quæ per sensus aliquid certò cognoscimus.

Cum per motiva credibilitatis proponatur objectum Fidei ut evidenter credibile propter Dei testimonium summè infallibile, potest voluntas praeter imperare, assensum præcisè propter istud motum, eique proportionatum, adeoque super omnem certum, & consequenter elicere assensum certioris certitudine omnium motivorum credibilitatis collectivè, quippe quæ tales assensum suadent, & ad eum obligant. Unde intellectus per fidem adhæret finitus objecto credito, quam motivis credibilitatis, si ut potius haec negaret, quam illud, si stante Fide hoc esset possibile.

Neque excessus ille certitudinis supra certitudinem motivorum credibilitatis caret motivo credibilitatis: Quia hunc excessum persuadent, motiva credibilitatis, eo ipso, quo probant hic & nunc Dei testimonio summè infallibili debitum esse assensum summè inadherend certitudinis.

*Assensus Fidei non est formaliter discursus.* In plures ex confenitu communiori D. Thomæ, alioisque Doctorum, quibus favent communius S. Ambrosius, alioque Patres. Ratio, quia alioqui non esset certior, sed incertior, iudicio naturali de bonitate consequentia, à qua bonitate consequentia ut à motivo partiali penderet, & acciperet suam certitudinem. Oppositorum tamen est probable: & spectata sola ratione forte probabilius: Cum enim assensus Fidei sit mediatus, adeoque discursus virtualis, non appetat, cur ei omnino respugnerat ratio discursus formalis.

Dices, Inde sequitur quod certitudo assensus Fidei dependebit saltem partialiter à motivo merè naturali, scil. à bonitate consequentia juxta leges discursus naturalis, ac dialectici.

Resp. Sic non dependere à bonitate consequentia tamquam à partiali motivo assensus Fidei, sed solum tamquam ab applicatione motivi, sive objecti formalis Fidei, scil. veracitatis, & revelationis divinae, que per discursum & bonitatem consequentia objecto materiali ab intellectu applicantur.

*Conclusio objectiva* legitimè deducta ex duabus præmissis revelatis credi potest Fide divinâ, si nempe spectetur, non merè ut deducta, sed ut initio revelatione &c. Unde talis conclusio sic deducta ex duabus præmissis revelatis, juxta Scorum, Suarez, & alios communius, est simpliciter de Fide. Quia cum identificetur realiter saltem inadæquatè præmissis revelatis & in iis contingatur, saltem confusè, est in insufficienter revelata, ut ex voluntatis imperio creatur

datur præcisè ut revelata. Hinc de fide est, conclusio hujs Sylogismi: Omnes Apostoli acceperunt Spiritum S. Matthæus fuit Apostolus; Ergo Matthæus accepit Spiritum sanctum.

Conclusio deducta ex universali revelata, & subsumpta non revelata, sed metaphysice, aut physice certa, est etiam de Fide. Quia quod revelatur de subiecto universalium sumpto revelatur de quo vis, quod sub sumitur sub illo, seu quod in eo continetur certò certitudine metaphysica aut physica. Hinc potest quis credere, in fiam quem certò certitudine experimentalis novit à se legitimè baptizatum, esse in gratia: se vero extra gratiam, si sibi conficiuntur peccati mortalibus non retractati. Ita Suarez, Tannerus, Lugo, aliique, Contra Ariagam, Coninck, aliosque.

Dicitur, Conclusio sequitur debiliorum partem antecedentis, quæ hic est proposicio physice tantum certa.

Resp. Id intelligendum esse de conclusione quatenus deducta ex premisis, non autem de conclusione tantum materialiter spectata, & contenta in premisis.

Deductam etiam ex universali revelata, & subsumpta solum certâ certitudine magna moralis, esse Fide divina credibilem probabilius videretur. Quia certitudo magna moralis revelationem sufficienter proponit, ad inducendam credendi obligationem. Hinc, quia revelatum est, Filium Dei descendens de celo pro omnibus hominibus, tenetem credere illud Symboli Nicæni: *Qui propter NOS homines & propter nostram salutem descendit de celis*: licet non sit revelatum nos existere, aut esse homines, sed solum certum certitudine magnâ morali, quæ est sufficiens applicatio revelationis ad inducendam obligationem credendi.

Ut si Deus revelaret, omnes urbes Italæ intra annum revertendas, possemus Fide divina credere Romanum tunc revertendam, eo quod certitudine magnâ morali constet eam esse urbem Italæ. Ita Tannerus, Amicus, Oviedo, Lugo, alii communius, Contra Molinam, Ariagam, Coninck, &c.

Adultus non potest Fide divina credere se esse iustificatum per susceptionem Sacramentorum: Quia de legitima ejus susceptione non potest habere certitudinem, id est, excludentem omnem formidinem prudentem de opposito, qualis requiritur de existentia revelationis ad prudens imperium assensus fidei, & ad obligationem credendi, ut docet Lugo, &c.

De propositione tantum *probabiliter revelata*, sive notitia tantum probabili revelationis qualiter sentendum, declarat Innocentius XI. referendo hanc inter prohibitas Prop. 21. *Affensus Fidei supernaturalis, & utilis ad salutem fratrum cum notitia solum probabili revelationis; immo cum formidine quæ quis formidet, ne non sit locutus Deus.*

Actus Fidei *Iustificativa* est supernaturalis, sicutem quoad modum quo fit. Patet ex Scrip. ad Philip. vobis donatum est ut credatis: & ex Tridentino, si quis dixerit, sine Spiritu sancti adjutorio hominem credere posse sicut oportet ut iustificetur, anathema sit.

Esteriam supernaturalis quoad *substantiam*, sic ut secundum suam entitatem superet omnem naturæ exigentiam activam & passivam. Ita Sotus, Suar. & alii communius, contra Scotum, Cajer, & alios apud Ripaldam.

P. R. Arsfeld. Tom. II.

Prob. ex Scrip. CC. & PP. doceantibus absolute actum Fidei esse donum Dei, & superare vires naturæ. Ratio est, quod actus Fidei sit dispositio ad gratiam supernaturalem in substantia, cui prouinde debet proportionari etiam in substantia ipse actus.

*Pia affectio* credendi elicetur à speciali habitu credulitatis, etque *entitatibꝫ supernaturalis*: ut & judicium *practicum prudentie* illam immediate dirigens non tamen judicium *speculatorum* de credibilitate. Quia illa pia affectio &c. ex Conc. Aranfiscano art. 5. est initium Fidei, adeoque donum gratia: non autem judicium istud speculatorum, cum actum supernaturale non dirigit, nisi remotè, & per accidens: unde potest absolute judicium illud speculatorum de credibilitate falso esse.

### CAPUT III.

*De Fidei necessitate, habitu, infusione, subiecto, & de Heresi, infidelitate, blasphemia.*

*D*e his ex parte in Tomo I. Part. I. Cap. I. & sequentibus.

*Fides Dei* ut *existentis*, & quidem sub ratione unius primi principii, & ut *muneratoris*, est & semper fuit, necessaria necessitate mediæ, nec solum disjunctivæ in re, vel in voto, ut Baptismus, sed in ipsa re, sive actu formaliter. 1. Quia non est in quo alio actu æquali aut perfectiori dici possit fides illa contineri virtualiter, aut eminenter. 2. Quia nullum est fundamentum illud dicens de Fide illa, sicut de Baptismo, quem ex Scrip. & PP. constat posse suppleri per dilectionem, martyrium, &c. non autem potest sic aut alio modo suppleri fides illa Dei, & remuneratoris.

*Dices*, Non est cur antecedenter ad istam fidem non possit Deus cognosci sub ratione solius *cœsæ prima*, & sic amari super omnia actu justificativo.

Resp. *Amorem Dei* super omnia non esse possibilem ante fidem Dei ut *remuneratoris*, non quidem absolute, sed ex hypothesi presentis providentiae, de auxilio ad actum proximè justificativum non dando, nisi mediante hac Fidei remuneratoris, ut Scriptura declarat ad Hebr. 11. &c.

Est quidem probabile, *fidem explicitam Incarnationis, & Trinitatis*, post Evangelium sufficienter promulgatum ut toto orbe obliget, necessariam esse necessitate mediæ: Probabilis est tamen apud plures illam solum esse necessariam in re, vel in voto contento in Fide remuneratoris, & in voluntate credendi omnia ad salutem nostram revelata. Quia non appareat sufficiens fundamentum necessitatis universalis credendi mysteria capti & crediti adeo difficultia. 2. Quia possunt omnia Scrip. & PP. loca ei faventia explicari, vel de necessitate precepti, vel de necessitate in re, aut in voto, contra eos qui assertunt necessitatem in re; vel de necessitate Fidei Christi, id est, ex merito Christi; vel de fide Christi implicita, vel explicita. 3. Quia ista fides de qua supra, multis est impossibilis, ut surdis, & mutis à nativitate, educatis inter Barbaros, & valde stupidis. Ita docet Sotus, Medina, Suarez, Coninck, Ripalda, Contra Lorcam, Maderum, Valentiam, Sanchez, Granadum, Tannerum, Aericum, qui sustinent istorum mysteriorum fidem

E necess-

Fide  
kin

Theo-  
logia